

才子  
必誦  
寒玉音


後



鶚

箋

二  
四九八







鶚

雙

四九八

寒玉音後集

北筑

拜山人輯

哭松本奎堂

松林飯山

十載江湖客。勤王不惜軀。死當為義鬼。生耻作迂儒。推我稱知己。如君是丈夫。半宵來入夢。戰血尚模糊。

讀小說 阿半長右衛門

松本奎堂

梅。靨。含。嬌。鶯。腔。澁。夕。拜。新。月。映。門。立。五。鑿。春。水。綠。半。篙。濺。入。紫。衫。軟。玉。濕。纖。雲。小。雨。夢。空。殘。冷。





熨香。齧梅子。酸羅鞵。踏波如平地。仙娥有配。棲  
廣寒。一縷赤繩。三生約。政知惡緣。是不惡。誰寫  
幽悲。入秋絃。月明空山。桂花落。

松濤亭爲主人賦

廣瀨旭莊

老松搖髭龍。欲跳天寒夜。黑風怒號。初疑颼颼。  
茶鼎沸。一聞即覺。心蕭騷。稍變杳如遠處。笛又  
如鶴喚起。九皋。此時名利念全盡。忽欲散髮弄  
漁篙。又變群馬裹鈴走。但聞搗聲。人不囂。終疑  
海立。魚龍舞。巨靈顛負負山逃。又疑白起坑趙。

卒四十八萬。一時鑿至此。投袂蹶然。作不堪意。  
氣太雄豪。欲乘長風。破溟渤。欲拂暗塵。扶匣刀。  
夜深風死。群動息。松影落。窓片月高。百端心緒  
皆灰滅。獨有詩思。析秋毫。俗子唯愛管絃響。艷  
歌哀曲。空笑教耳聾。心荒醉不醒。知否人間有  
松濤。

吉原詞

柏如亭

金蓮裊裊。弄輕柔。日暮香風。逐步稠滿。面桃花  
春如海。迎郎笑。入小迷樓。



舞閣歌樓連繡甍。夜闌無處不春情。誰知戶外  
秋風滿。明月橋頭擣紙聲。

失題

河野鐵兜

翠恨紅啼尚現前。夢中有夢淡如烟。情深虛語  
為真誓。歡極佳期亦惡緣。病裡容華消綽約。愁  
邊眉目感連娟。痴心合掌大悲座。乞與未來同  
一蓮。

讀小說

廣瀨淡窻

濯如春月柳。嬌似秋水蓮。向君不敢語。背君淚

成。泉復關。咫尺即千里。懷中錦字憑誰傳。昨夜  
燈花新報喜。無端邂逅小神仙。青翰舟裡携吾  
手。綉被香暖夢相牽。千金一刻歡何極。雙袂掩  
面却潛然。明誓同月。有時缺。芳容似花。幾日妍。  
豈言斷袖非良意。或恐分桃是惡緣。為君更固  
金蘭約。不比桑中契。易遷請君勿惜頻來往。一  
日不見如三年。



大風歌

漢高祖

大風起兮雲飛揚威加海內兮歸故鄉安得猛士兮守四方

垓下歌

楚項羽

力拔山兮氣蓋世時不利兮騅不逝騅不逝兮可奈何虞兮虞兮奈若何

烏烏歌

宋樂雷發

莫讀書莫讀書惠子五車今如何請君為我焚却離騷賦我亦為君擘碎大極圖竭來相就飲

斗酒聽我仰天歌烏烏深夜大帶講唐虞不如長纓繫單干吮毫擲管賦子虛不如快鞭躍的盧君不見前年賊兵破巴渝今年賊兵屠成都風塵傾洞兮豺虎塞途殺人如麻兮流血成湖眉山書院嘶哨馬浣花草堂巢妖狐何人筓中行何人縛可汗何人丸泥封函谷何人三箭定天山大冠如箕兮長劍挂頤朝談回軻兮夕講濂伊綬若若兮印累累九州博大兮君今何之有金須碎作僕姑有鐵須鑄作蒺藜我當贈君



以湛露青萍之劍。君當報我以太乙白鵲之旗。  
好殺賊奴取金印。何用區區章句為死諸葛兮。  
能走仲達非孔氏誰卻萊夷噫歌烏烏兮使我  
心不怡莫讀書成書痴。

干忠肅祠

清魏麀微

當年天子已蒙塵。中外安危寄此身。首建一言  
存社稷。獨鳴孤掌定君臣。丹心縱死還如鐵。碧  
血長埋未化燐。千載湖山留正氣。不須涕淚洒  
松筠。

許由瓢

清王吉武

瓢挂樹一葉輕。風吹濩落夜有聲。不若棄之夢  
亦清。天下非大瓢。非細身外之物。總為累。

偶成

清宋凌雲

天外魚書絕。征人豈念家。可憐小兒女。夜夜看  
燈花。

寄子詩

清徐氏

家內平安報爾知。田園歲入有餘資。絲毫不用  
南中物。好作清官答聖時。



懷古

清 劉獻庭

古之兵皆農農富兵亦強古之士皆農農朴士亦良兵農一以分甲冑無餘糧士農一以分耒耜無文章分之則兩傷合之則一理請語當途人治亂實此始

題旅店

清 王九齡

曉覺第檐片月低依稀鄉國夢中迷世間何物催人老半是鷄聲半馬蹄

杖頭錢

清 張篤慶

富莫富於杖頭錢貧莫貧於巖道之銅山銅山鑄錢萬萬千到頭不得名一錢杖頭百錢真我有取自杖頭且沽酒今日百錢今日醉得錢沽酒常酣睡君不見何曾一日食萬錢便欲下箸心茫然洛陽離亂救不得縱饒沽酒無顏色眼看荆棘埋銅駝錢乎錢乎奈若何

釣臺

清 洪昇

逃却高名遠俗塵披裘澤畔獨垂綸千秋一箇劉文叔記得微時有故人



訪胡隱君

明高青邱

渡水復渡水。看花還看花。春風江上路。不覺到君家。

征婦詞

明劉績

征婦語征夫。有身當殉國。君為塞下土。妾作山頭石。

水碓

清黃之雋

轉輪在水。稻在屋。糠粃如塵。米如玉。誰其為之。機與軸。坎印在地。杵在水。橫貫輪心。輪運瀑以

溪之水。代人足。列杵五六。杵齒齒。一杵入白。一杵起。園輪迫杵。水迫輪。急急晨昏。春不止。溪女鬢插山花。紅列坐。白旁如課功。從容揜袖。簸揚畢。勞逸不與我鄉同。我來如聽一部之水。樂輪音為商。杵音角。

相逢

清費錫璜

歧路不相識。一言傾寸心。贈君腰下劍。不在直千金。

寄內

清錢良擇



六分春色四分過。夢斷家山近若何。九陌鶯花  
情緒少。十年夫婦別離多。無方賢俊皆簪筆。有  
道乾坤漸止戈。只有恨人歸未得。鏡奩間殺舊  
青螺。

閨怨

清 薰以寧

流蕪空繫合歡床。夫婿長征妾斷腸。留得當時  
臨別淚。經年不忍浣衣裳。

間居寫懷

清 唐孫萃

屈伸固有命。秋毫非人功。三世不徙官。執戟老

楊雄。苟爽起布衣。百日至三公。猿臂終數竒。李  
蔡本下中。方壯既悼顏。皓首仍悲馮。世有巧而  
躓。亦或拙而通。憂喜塞翁馬。得失楚人弓。時命  
苟不諧。不如安固窮。

督元陂

清 趙俞

提劍荆卿勇。絕倫浪將七尺強。秦燕讎未報。  
韓讎復狀貌。原來似婦人。

息交

清 顧圖河

君子如春風。可愛不可竭。小人如酒顏。但得暫。



時熱急絃莫浪彈。一彈絃一絕。市交莫浪交。中路難固結。惟當同心人。可與論金鐵。

望郎回

清顧嗣立

望郎回。望郎回。朝朝望郎郎不回。孤兒三尺形單影隻。冬愁風酸。夏愁日赤。南山雲連北山雨。一樣人間兩樣土。望郎回。幾時來。東海會有西歸水。妾作石人。甘爛死。

江水三千里。家書十五行。行行無他語。唯道早

歸家。

還珠吟

唐張籍

籍在他鎮幕府鄂師李師古以書幣辟之籍卻而不納作此詩以謝之

君知妾有夫。贈妾雙明珠。感君綢繆意。繫在繡羅縵。妾家高樓臨苑起。良人執戟明光裡。知君用心如日月。事夫誓擬同生死。還君明珠雙淚垂。恨不相逢未嫁時。

離別

清鱗曾望



丈夫非無淚。不洒離別間。仗劍對樽酒。耻為遊  
子顏。蝮蛇一螫手。壯士疾解腕。所思在功名。離  
別何足歎。

送唐子方

孤忠自許眾不與。獨立敢言人所難。去國一身  
輕似葉。高名千古重於山。並遊英俊顏何厚。未  
死奸諛骨已寒。天為吾皇扶社稷。肯教夫子不  
生還。

清無名氏

莫作江上舟。莫作江上月。月照人別離。舟載人  
離別。

送王郎

宋黃山谷

酌君以蒲城桑落之酒。泛君以湘纍秋菊之英。  
贈君以黟川點漆之墨。送君以陽關墮淚之聲。  
酒澆胸中之磊隗。菊制短世之頽齡。墨以傳千  
古。文章之印。歌以寫一家兄弟之情。

聞杜羔登第

宋杜羔妻

長安此去無他地。鬱鬱葱葱佳氣浮。良人得意



正年少。今夜醉眠何處樓。

贈元微之

唐崔鶯鶯

待月西廂下。迎風戶半開。拂牆花影動。疑是玉人來。

長相思辭

宋林和靖

吳山青。越山青。兩岸青山相送迎。誰知離別情。君淚盈。妾淚盈。羅帶同心結未成。江頭潮已平。

子夜歌

清吳梅村

歡是南山雲。半作北山雨。不比熏爐香。纏綿入

懷裡。

題船山寫照

清張船山妻

愛君筆底有烟霞。自拔金釵付酒家。修到人間才子婦。不辭清瘦似梅花。

和前韻

清張船山

妻。媒許我癖煙霞。彷彿孤山處士家。画意詩情兩情絕。夜窓同夢筆生花。

虞美人

宋魏夫人

鴻門玉斗紛如雪。十萬降兵夜流血。咸陽宮殿



三月紅霸業已隨灰燼滅剛強必死仁義王陰  
陵失道非天亡英雄本學萬人敵何用屑屑悲  
紅粧三軍散盡旌旗倒玉帳佳人坐中老香魂  
夜逐劍光飛青血化為原上草芳心寂寞倚寒  
枝舊曲聞來似歛眉哀怨徘徊愁不語恰如夜  
聽楚歌時滔滔逝水流今古漢楚興亡兩丘土  
當年遺夏久成空慷慨尊前為誰舞

桐葉詩

唐任氏

拭翠歛蛾眉為鬱心中夏搦管下庭除書成相

思字此字不書石此字不書紙書向秋葉上願  
逐秋風起天下有心人盡解相思死天下負心  
人不識相思字有心與負心不知落何地

買妾言

元楊鐵崖

買妾千黃金許身不許心使君聞有婦夜夜白  
頭吟

江孝子詩

清蔣士銓

右臂之肉不可療母左臂之肉不可療父兒身  
親身親已亡血肉之軀亦何補朝視母墳夕憑



父棺茅堂。淒淒臘日。苦寒。嚶嚶出出。妖鳥語風。  
捲檐茅棺。莫舉孝子。拜火。火弗許。飛廉揚祝。  
融怒。抽刀。斷指。驚祝融。神急止。火神反。風父棺。  
不動。孝子死。孝翁呼孫。孝子起。翁欲告人。兒止。  
止。翁拾斷指。裹以紙。丹徒舍人啓。衾視右手。垂。  
垂。缺小指。兩臂創痕。况若此。把筆傳之。淚如水。  
江家五世居丹徒。兒名延祚。未讀書。生年二十。  
但知父與母。不知肢體為我。有呼為孝子。兒不。  
受。倘以為言兒卻走。父曰。懷德祖曰。行閱史書。

之存姓名。事在壬辰十二月。孝子不願朝庭。旌。

走索行

清朱彭

一夫導前。鳴銅鈺。有婦結束。肩隨行。三叉路口。  
喚戲索。兒童拍手。歡相迎。好事圍場。斂錢急堵。  
墻觀者。群爭集。衆中側出。掠雲鬟。勢欲騰空。翻。  
却立。回眸躍上。神力超。兩傍齊駭。聲喧囂。娉婷。  
意態獨整。暇垂楊。閑擺風中。腰高步。堂堂一徑。  
拓此時。眼底如無索。往來絡繹。驚駭馳失。勢一。  
蹶力不支。翻身倒垂。猿掛樹。半寸脚尖。鈎索住。



旋空忽作。輓轡轉亂。捲煙雲。目為眩。人羨精能。伎倆無。我獨相看為歎。吁。耕芸紡績。棄不事。輕身重利。寧良圖。答云尊官莫嘲讓。行乞由來非所尚。江田米少。征稅無衣食。翻懸一繩上。頻年踏遍天涯路。泣下吞聲難盡訴。譁然擁隊人競呼。鳴鉦又向前村去。

由紅橋至平山堂

清陶元藻

酒榭琴亭。傍女牆。蕪城非復舊風光。盈盈一色琉璃水。半映紅樓半綠楊。

桃枝詞

清顧光

竹枝詞於樂府雜曲外。別具音調。後人繼作。有柳枝橘枝諸詞。可謂各極妍妙矣。余乃別作桃枝詞。欲以嗣響前哲。世有老鐵諸公。當不令余么絃獨奏也。

湖裡鴛鴦水自香。小青墳上蹋春陽。桃花未向東風笑。已有行人為斷腸。

閨怨

清鄭羽達

窻前豆寇花。朝朝弄顏色。却怪當歸草。獨不生。



郎側。

山塘間步

清 宋樹穀

踈狂猶記少年時。幾處歌場鬪雪詩。今日舊遊零落盡。酒痕只有故衫知。

西湖竹枝詞

清 謝聖堅

湖上春風拂袖輕。湖邊遊女踏歌聲。聲聲盡是相思曲。驚起鴛鴦睡不成。

別揚維翰

清 余兆琪

相逢一何遲。相別一何速。秋水繞河干。似我離

腸曲。

七夕感懷

清 王之達

一別秦樓夢杳然。寒雲空鎖別離天。擬將織女機頭縷。結盡人間未了緣。

少年行

清 沈紹姬

對酒當歌氣似虹。金盤一箸萬錢空。引刀割斷倡門柳。更有何人繫玉聰。

得山中書

清 程千古

撥火圍爐伴歲闌。又驚書信過江干。山中謾說



雲如絮不護山人永夜寒

嶺南竹枝詞

清彭孫遜

木綿花上鷓鴣啼木綿花下牽郎衣欲行未行不忍別落紅沒盡郎馬蹄

子夜元宵歌

清趙潤

儂是三五年月亦三五夕三五月常圓三五年難得

閨晚

清陳淑旂

纖体怯春寒名花帶月看惜花兼惜影不忍倚

攔干

即墨女

元楊鐵崖

三逐鄉五逐里即墨女兒之容止齊相取之齊國治丈夫相國矣異此丈夫相國矣異此

西湖竹枝歌

勸郎莫上南高峯勸我莫上北高峯南高峯雲北高雨雲雨相催愁殺儂

又

湖口樓船湖日陰湖中斷橋湖水深樓船無柁



是郎意斷橋有柱是儂心

賣子歎

清馬柳泉

貧家有子貧亦嬌骨肉恩重那能拋  
饑寒生死不相保割腸賣兒為奴曹  
此時一別何時見遍撫兒身舐兒面  
有命豐年來贖兒無命九泉抱  
長怨囑兒切莫憂爺孃憂思成病誰  
汝將抱頭頓足哭聲絕悲風颯颯天地茫

發家書因寄內子

清陶元藻

此懷書不盡對紙轉茫然草草幾行墨  
何時到此

汝邊應憐風雪苦莫數別離年耕鋤  
春風好家山想薄田

秦淮水榭偶成

清吳泰來

一樹垂楊綠萬條興亡閱盡是南朝  
都將舊苑繁華夢付與佳人碧玉簫

青樓怨

明高青邱

浴金熏爐鏤玉奩蘭香今夜為君添  
烏栖黃昏鳥起曙纔見道來還道去

題味辛古藤書屋圖

即竹垞舊寓



藤作古時花屋讓今人住花定好于人人去花  
不去今人愛古人看花有餘慕花氣撲人來古  
人渺何處花時且餘酒莫被古人誤不見東南  
風吹花落無數

節婦歌

明甄氏

泉流不歸山雨落不上天妾心死不回金石無  
全堅白日經中街飄忽沉西海妾心日不如長  
夜幢幢光不改明月懸清暉三五二八圓又虧  
妾心月不如一圓耿耿無虧時妾心一寸鐵不

與紅爐滅妾心萬鈞石不能洪波裂妾髮可剪  
妾頭可截妾心之白不可涅憶妾二十春結髮  
事良人焉知三載皇天傾羅幃繡幙生素塵懷  
中五歲兒水上浮漚淪白髮蕭蕭垂老親綠衣  
零落空悲辛吾聞陳孝婦夫死養姑心愈固朱  
幢入奏丹書來黃金北斗高門戶又聞杞梁妻  
一哭梁山傾精神變天地黃土非無情君不見  
章臺女傾城華去年嫁東隣今年歸西家顏色  
皎皎如桃花桃花貪結子紅顏不惜汙泥沙回



首天漢上雙鳳縹縹凌紫霞蓬萊仰面空咨嗟

怨詩

清王尊美

流水不復西落花難上樹舊人泣路旁新人驅  
車去驅車復驅車是妾來時路

兵難逢鄉人

清宿愈

客自重圍出黯然顏色深令嚴軍務事盡地問  
家音

妾薄命

清楊青藜

妾本良家子日夜事艱劇夫婿好弓劍射麋北

山北十日一來歸歸來共俠客昨下征西詔勤  
王向大磧長此離寒暑空牀獨枕席夫如離弩  
箭妾如沉井石箭離無還期石沈終土泥

俠客

清趙瀚

有劍難留恨無心不可言自憐君父外不易受  
人恩

怨歌行

清王士禛

當時匣中銅於今翳塵土當時篋中絲於今無  
寸縷磨鏡休使光綵絲休使長鏡光驚貌換絲



長嫌緒亂對鏡與治絲兩者皆腸斷

作客行

清趙進美

男兒生當天。下多事時。讀書擊劍。將何之。醉即  
高歌醒。當別離。擲觴上馬。無一辭。朔風吹衣落  
日寒。美人莫唱行路難。千里常有。好顏色。書生  
何能不作客。

折柳曲

清張忻

送君大道旁。莫折楊柳枝。君去即復還。柳折無  
續時。

寧羌州夜雨

清祝德麟

夢繞巴山古驛亭。溼螢明滅一燈青。西風特作  
蕭蕭雨。併入秋聲。此夜聽。

古怨詩

清張熙純

合如金在冶。決如箭去弦。東風一以逝。桃李為  
誰妍。櫪中千里駿。奮起忽長嘶。馬嘶驚妾淚。問  
君何所之。出門向西笑。入門獨悲嘯。男兒喜快  
遊。室家焉得保。見君空復情。送君空復情。啼鵲  
如有意。繞樹徘徊鳴。裁羅思作裳。不信反成裘。



汲井受清連。到底不能流。君恩如曉漏。夢闌聲  
漸歇。妾恨如宵燭。淚乾心尚熱。漏亦  
有時續。燭亦還復燃。君心如可轉。白日俟再中。

夏口夜泊別友人

明李夢陽

黃鶴樓前日欲低。漢陽城樹亂烏啼。孤舟夜泊  
東游客。恨殺長江不向西。

寒玉音後集終

跋寒玉音

火雪燒天驕陽燦。金方是時。無策可以避。烏古人云。門  
對寒流。雪滿山。句朗吟。可以  
謂。若余謂。苟句。潔。者。皆  
可以銷暑。不必須。韋。蘇。何。詩  
也。今拜。山子。所編。寒玉音。



U18656

寒、王音後

真消暑之良具也刻等清  
見惠一本多將讀之於感夏  
六月旱氣燠之時辛未春  
三月網亭蒲生重章撰

堯田大島信書



三都

京都三茶通并屋町

同 寺町通松原下町

大坂心齋橋通北久太郎町

同 安堂寺町

同 博勞町

同 南久室寺町

江戸日本橋通二丁目

同 淺草茅町二丁目

同 日本橋通二丁目

同 芝神明前

同 横山町三丁目

出雲寺文次郎

勝村 治右衛門

河内屋 喜兵衛

秋田屋 太右衛門

河内屋 茂兵衛

伊丹屋 善兵衛

須原屋 茂兵衛

須原屋 伊八

山城屋 佐兵衛

岡田屋 嘉七

和泉屋 金右衛門板

問屋

書物



鵜

詩

二  
四九八



